

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LESITHATHU (P3)

NOVEMBA 2021

UMHLAHLANDLELA WOKUTSHWAYA

IMITLOMELO: 100

Umhlahlandlela wokutshwaya lo unamakhasi ali-12.

ISIGABA A: AMATHEKSTHI WOKUZITLAMELA (AMA-ESEYI)

UMBUZO 1

TJHEJA:

- **Kiwo woke amatheksthi yelela inani lamagama aphakanyisweko. I-eseyi ephathelene nesithombe ayinikelwe isihloko esiyifaneleko.**
- **Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambisana nesihloko.**

1.1 Isehlakalo esangenza bona ngibambelele esikolweni.

I-eseyi Ecocako.

Nakhu okuqakathekileko nakutshwaywa le-eseyi:

- Ohlolwako kulindeleke bona acoce bekahlathulule isehlakalo esamvelelako nesamenza bona abone ukuqakatheka kwesikolo.
- Ohlolwako kulindeleke bona atlole indaba ibe sesikhathini esidlulileko beyikhholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

[50]

1.2 Ipumelelo yami kezefundo ngomnyaka wee-2020.

I-eseyi Ecocako.

Nakhu okuqakathekileko nakutshwaywa le-eseyi:

- Ohlolwako kulindeleke bona acoce bekahlathulule indlela asebenze ngayo eemfundweni zakhe phakathi komnyaka kuze kufike isikhathi sokutlolwa kweenhlahlubo kanye neetjhijilo ahlangabezene nazo.
- Ohlolwako kulindeleke bona atlole indaba ibe sesikhathini esidlulileko beyikhholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

[50]

1.3 Umonakalo obangelwa kucinywa kwegezi.

I-eseyi Ehlathululako.

Nakhu okuqakathekileko nakutshwaywa le-eseyi:

- Ohlolwako kulindeleke bona ahlathulule umonakalo obakhona eensetjenzisweni zegezi kanye nokulahlekelwa yinzuzo kwabosomarhwebo.
- Ohlolwako kulindeleke bona atlole indaba ibe sesikhathini sanje beyikhholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

[50]

1.4 Ngathola bona ipilwami angeze isafana nekuthomeni.

I-eseyi Evezako/Eveza Imizwa Yomtloli.

Nakhu okuqakathekileko nakutshwaywa le-eseyi:

- Ohlolwako akaveze imizwakhe nokuthatheka kwehliziyo ngesihloko anikelwe sona. Akaveze indlela egade ayikhamba nengazange imlethele ipumelelo nokobana sekazimisele ukukhamba yiphi indlela gadesi.
- Ihlangothi elikhulu le-eseyi akube ngelihlathulula imizwa nalokho okusengqondwenakhe ngesihlokweni.
- Okuqakatheke khulu ngesihlokweni kukobana ohlolwako kufanele atjhegeze abuyele emva esehlakalweni esakhe samenzakalela, abeke imibonwakhe ngokwenzakalako, okungaba ngokumbi nofana iimphoso bese athathe iinqunto ngokobana ubona kufanele kwenziweni ukutjhugulula ubujamo balokho esikhathini esizako.

[50]

1.5 Ubuhle nobumbi obenzeka ngesikhathi sehlobo.

I-eseyi Emahlangothimabili/Emadanisako.

Nakhu okuqakathekileko nakutshwaywa le-eseyi:

- Ohlolwako kulindeleke bona aveze tjhatjhalazi amaphuzu amahle namambi alethwa sikhathi sehlobo.
- Okuqakathekileko nge-eseyi le kukobana ohlolwako kulindeleke bona azwakale begodu angathathi ihlangothi, anikele amaphuzu amahle namambi ngokulinganako ngesihlokweni.

[50]

1.6 Abantu abatjha beSewula Afrika banamathuba asabaleleko wokuzakhela ingomuso elikhanyako.

I-eseyi Ephikisako/Ehlangothilinye

Nakhu okuqakathekileko nakutshwaywa le-eseyi:

- Ohlolwako kulindeleke bona athome ngokobana akhethe ihlangothi azokutlola ngalo, aveze amathuba abantu abatjha abanawo ekuzakheleni ingomuso elikhanyako nofana aphikisane nokungasetjenziwa kuhle kwawo.
- Kuqakathekile bona ohlolwako anikele amaphuzu asekela imibonwakhe nakavumelana nofana aphikisana nesitatimendesini kufikela ekupheleni kwendabakhe.

[50]

1.7 **Ukutshwaya/Ukurhumutjha iinthombe.**

Ohlolwako kumele:

- Anikele i-eseyakhe isihloko esiyifaneleko.
- Ahlathulule i-eseyakhe ngananyana ngiyiphi indlela kodwana ikhambelane nesithombe.
- Akhethe nanyana ngiwuphi umhlobo we-eseyi okhambelana nesithombe.
- Ahlanganise ukuhlathululwa kwendaba nesithombe.
- Atlole ngesikhathi esifaneleko.

1.7.1 Ohlolwako angakhetha nanyana ngiwuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala unogada alele emsebenzini.

[50]

1.7.2 Ohlolwako angakhetha nanyana ngiwuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala abentwana besikolo batlhorisa omunye umfundi.

[50]

IMITLOMELO YESIGABA A:

50

ISIGABA B: AMATHEKSTHI AMADE WOKUTHINTANA

UMBUZO 2

2.1 INCWADI YOBUNGANI

Nakhu okuqakathekileko nakutshwaywa incwadi yobungani:

- Iba nesiphande sinye, sitlolwe ngesandleni sokudla. Isiphande sotlolako siba nelanga elitlolwe ngesiNdebele isib: Janabari/Tjhirhweni ingasi ngesiNgisi. Tjheja: Isiphande, isilotjhisu nesiphetho azingabalwa nakubalwa inani lamagama.
- Itlolwe umuntu owazekako, kungaba mnganakho, umnakwenu, umzawakho; njll.
- Isilotjhisu asiphakamise ibizo lomuntu omtlolako. Isib; Jabulile, Mma, Baba; njll.
- Esingenisweni akuvele umngqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi.
- Ohlolwako akahlathulule khudlwana emzimbeni amaphuzu akhambisana nomngqopho awuveze esingenisweni.
- Iba nesilayeliso. Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Iba nesiphetho. Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utlole igama lakho. Lokhu kwenzelwa ukobana loyo otlolweko azi kuhle bonyana utlolwe ngubani. Isibongo akufuneki ukobana usitlole ngombana niyazana ninomuntu omtlolako.

Ohlolwako angaveza okhunye kokulandelako:

- Iimfundo ezitlhogekako.
- Imiphumela yazo.
- Amayunivesithi athwasisela ibizelwelo.

[30]

2.2 UMLANDO KAMUFI

Nakutlolwa umlando kamufi, kuthonywa ngesihloko esibonakalako esinamagama kamufi apheleleko. Isib. Umlando kaBaphelile Sophy Masilela, njll. Ekugcineni kungaphethwa ngomutjho omfitjhani wokumlayelisa, njengokuthi: Lala Ngokuthula, Mgwezani Wakokosi, Lala uphumule, Mgwezani, nofana ikosi ayikuphe umphumulela wasafuthi, nanyana ngimaphi amagama anehlonipho kungaba ziinanazelo zakhe ziyamukeleka.

Nakhu okuqakathekileko nakutshwaywa umlando kamufi:

- Uba nesihloko esinamagama kamufi apheleleko.
- Amagamakhe apheleleko.
- Ilanga abelethwa ngalo.
- Igama lendawo abelethelwa kiyo. **Tjheja:** Akungatlolwa igama lesibhedlela.

- Ubelethwa bobani.
- Imithombo yefundo asele adlule kiyo.
- Akuzuzako eemfundweni zakhe.
- Iindawo asebenze kizo.
- Iinkhundla azifumanako.
- Ilanga akhambé ngalo ephasini.

Tjheja: Akungatlolwa unobangela wokuhlongakala kwakamufi kodwana kungavezwa khunye kwalokhu: webiwe ngunokufa lokha nakakhambé ngengozi, uhlongakele ngemva kokugula isikhathi esifitjhani nofana eside nakagulileko.

- Umndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi.

Tjheja: Akungatlolwa amabizo weenini ezitjhiyweko.

- Isiphetho akube mumutjho omfitjhani wokumlayelisa nofana iinanazelo zakhe.

[30]

2.3 I- AJENDA NAMAMINITHI WOMHLANGANO

Nakhu okuqakathekileko nakutshwaywa i-ajenda namaminithi womhlangano:

Ohlolwako akaveze okulandelako:

I-ajenda yomhlangano ohleleke ngendlela elandelako:

Indawo: Hlalaniphasi Hall

Isikhathi: 11h00.

Ilanga: 24 kuTjhirhweni 2020

1. Ukuvula.
2. Amezwi wokwamukela.
3. Abakhona nabancancabezileko.
4. Iinkulumo zelanga.
- 4.1 Igama lerhwebo.
- 4.2 Indawo la kungakhiwa khona irhwebelo.
- 4.3 Imali ezokufakwa erhwebeni.
- 4.4 Iinkhathi zokusebenza.
- 4.5 Indlela ekuzokusetjenzwa ngayo.
5. Ukuvala.

[30]

2.4 IKULUMO EHLELEKILEKO

Nakhu okuqathekileko nakutshwaya ikulumo ehlelekileko:

- Ihloso yekulumo.
- Iinhlokwana ezilindeleke ngaphasi kwekulumo elungiselelweko:

Isihloko >	Kuqathekile ukobana sibe nokuthi ikulumo izokwenzelwaphi, ngubani, ngaliphi ilanga begodu sethule okumunyethwe yikulumo.
Isilotjhisiso >	Kumele ococako alotjhise abakhona ngokulandelana kwabo, abakhulu nabancani, abalandelanise kuhle ngokweenkhundla zabo emehlweni womphakathi.
Isingeniso >	Kumele sidose kodwana sibe sifitjhini senze kobana balalele.
Ummongondaba >	Ikulumo ayitlolwe ngokucacileko.
Isiphetho>	Angarhunyeka ikulumakhe ngokubuyelela akukhulumileko nofana afake iselela.

Ohlolwako angaveza okhunye kokulandelako:

- Ukusebenza ngokuzikhandla.
- Ukuhlanganyela nabanye abafundi.
- Ukuzidima ubumnandi.
- Ukuhlukana nabangani abanganalo ibonelo phambili.
- Ukubuza lokha nawungazwisisiko.

[30]

IMITLOMELO YESIGABA B: 30

ISIGABA C: AMATHEKSTHI AMAFITJHANI WOKUTHINTANA

UMBUZO 3

3.1 IPHOSTARA

**Nakhu okuqakathekileko nakutshwaywa iphostara:
Ohlolwako angaveza okhunye kokulandelako:**

- Igama lendawo lapho kuyokunandiswa khona.
- Ilanga nesikhathi.
- Imali yokungena.
- Izinto ekufanele uze nazo.
- Imibandela.
- Isikhathi sokutjhayisa.
- Imininingwana yakho la ungatholakala khona.

[20]

3.2 IDAYARI/UMALANGENI

Nakhu okuqakathekileko nakutshwaywa Idayari/umalangenini:

Ohlolwako angaveza okhunye kokulandelako:

- Kumele oyitlolako atlole ilanga phezulu.
- Kumele itlolwe ngelimi lomuntu okhulumako.
- Kumele itlolwe ibe sesikhathini sanje.
- Kuyenzeka godu itlolwe ibe sesikhathini esidlulileko.
- Kumele kutlolwe iingaba ezifitjhani.
- Kusetjenziswa ilimi elitjhaphulukileko.

[20]

3.3 IMILAYELO

Nakhu okuqakathekileko nakutshwaywa Imilayelo:

Ohlolwako angaveza okhunye kokulandelako:

- Ukudla ukudla okunganatswayi nekunganamafutha.
- Isikhathi sokudla.
- Isikhathi sokusela iinhlahla.
- Isikhathi sokusela amanzi.

[20]

**IMITLOMELO YESIGAB C: 20
INANI LOKE: 100**

ISIGABA A: IRUBHRIKHI YOKUTSHWAYA/YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]**TJHEJA:**

- Sebenzisa irubhrikhi njalo nawutshwayai-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

IRUBHRIKHI YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
OKUMUNYETHWEKO NOKUHLOLA (Ukuphendula) Ukuhleleka kwemiqondo yokuhlela Ukulemuka komnqopho, abamukelilwazi nobujamo 30 IMITLOMELO	Izinga eliphezulu	28–30	22–24	16–18	10–12	4–6
		- Ukuphendula okudluleleko. - Imiqondo ehlakaniphileko, netjengisa ukukhula. - Ukuhleleka okudluleleko nokukhambelana kwesingeniso, umzimba nesiphetho.	- Ukuphendula okuhle khulu. - Kunobufakazi nokukhula okubonakalako nokumnandi. - Ukuhleleka okuhle nokukhambelana kwesingeniso, umzimba nesiphetho.	- Ukuphendula okwanelisako. - Imiqondo ekhambelanako nekholisako. - Kunokuhleleka nokukhambelana okulingeneko kwesingeniso, umzimba nesiphetho.	- Ukuphendula okungakajami ndawonye. - Imiqondo engakanqophi. - Ubufakazi obuncani bokuhleleka nokukhambelana kwesingeniso, umzimba nesiphetho.	- Ukuphendula okuphume endleleni khulu. - Imiqondo enganatlha nengazwakaliko. - Imiqondo engakahleleki nengakhambelaniko.
	Izinga eliphasi	25–27	19–21	13–15	7–9	0–3
		- Ukuphendula okudluleleko kodwana kutlhayela amatshwayo wendaba ehle. - Imiqondo ekhuleleko nenokuhlakanipha. - Kunokuhleleka nokukhambelana okuhle kwesingeniso, umzimba nesiphetho.	- Ukuphendula okuhle. - Imiqondo ekarisako nekhambelanako. - Kunokuhleleka nje nokukhambelana kwesingeniso, umzimba nesiphetho.	- Ukuphendula okwanelisako kodwana okunganatlha. - Imiqondo iyazwakala beyiyakhambelana ngokulingeneko. - Kunokuhleleka nokukhambelana kwesihloko, umzimba nesiphetho.	- Ukuphendula okungakhambelaniko nokusezingeni eliphasi. - Imiqondo ayikahlangani begodu ayikanqophi. - Kunokuhleleka okungakhambelani nesingeniso, umzimba nesiphetho.	- Ukuphendula isihloko akukalingwa nokulingwa. - Imiqondo engakhambelaniko ngakafaneli. - Imiqondo enganatlha nengazwakaliko.

IRUBHRIKHI YOKUHLOLA INDABA YELIMI LOKUTHOMA LOKWENGEZA [50 IMITLOMELO] (iyaraga)

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
		14–15	11–12	8–9	5–6	0–3
ILIMI, ISITAYELA NOKU-EDITHA. Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimphumuzi, ihlelo nesipelinghi.	Izinga eliphezulu	- Iphimbo, irejista, isitayela nelwazimagama elifaneleko nelihle ngokudluleleko, elinemba umnqopho, abamukelilwazi nobujamo. - Ukusetjenziswa kwelimi kusezingeni elihle ngokudluleleko. - Ihlelo nesipelinghi esinganamphoso khulu (0-4). - Kutlanywe kuhle ngokudluleleko.	- Iphimbo, irejista, isitayela nelwazimagama elifanele umnqopho, abamukelilwazi nobujamo. - Ilimi liyanemba belisetjenziswe kuhle - Ihlelo nesipelinghi akunamphoso khulu, zimbawu (10-14). - Kutlanywe ngokusezingeni elilingeneko.	- Iphimbo, irejista, isitayela nelwazimagama elifanele umnqopho, abamukelilwazi nobujamo. - Ukusetjenziswa kwelimi okwethula ihlathululo. - Ihlelo nesipelinghi kuneemphoso ezinengi (20 kuya phezulu). - Kutlanywe ngokusezingeni elilingeneko.	- Iphimbo, irejista, isitayela nelwazimagama elingakafaneli umnqopho, abamukelilwazi nobujamo. - Ukusetjenziswa kwelimi okusezingeni eliphasi. - Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi khulukhulu.	- Iphimbo, irejista nesitayela ezingakafaneli khulu, umnqopho abamukelilwazi nobujamo. Ilwazimagama elitlayela khulu nelenza kube budisi ukuzwisa itheksthi. - Ilimi elingazwakaliko. - Ihlelo nesipelinghi kuneemphoso ezinengi ngokudluleleko/ - Abukho ubufakazi bokutlama.
		13 - Iphimbo, irejista, isitayela nelwazimagama elifaneleko nelihle elinemba umnqopho, abamukelilwazi nobujamo. Ukusetjenziswa kwelimi kusezingeni elihle khulu. Ihlelo nesipelinghi esinganamphoso ezinengi (5-9). - Kutlanywe kuhle khulu.	10 - Iphimbo, irejista, isitayela nelwazimagama elifanele umnqopho, abamukelilwazi nobujamo. Ilimi liyanemba belisetjenziswe ngokufaneleko. - Ihlelo nesipelinghi kuneemphoso ezinengana (15-19). -Kutlanywe kuhle.	7 - Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. - Ukusetjenziswa kwelimi okungathuli ihlathululo. -Ihlelo nesipelinghi kuneemphoso ezinengi khulu. - Kutlanywe ngokusezingeni eliphasi.	4 -Iphimbo, irejista, isitayela nelwazimagama elincani nelisezingeni eliphasi elingakafaneli umnqopho, abamukelilwazi nobujamo. -Ukusetjenziswa kwelimi okungakafaneli. -Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi ngokudluleleko.	
15 IMITLOMELO	Izinga eliphasi					
ISAKHIWO Amatshwayo wetheksthi. Ukwakhiwa kweengaba nemitjho nokuquntulwa kwamagama ngendlela engasiyo.		5 - Kuvezwe amatshwayo neminingwana eqakathekileko yesakhiwo sendaba. - Kunokuqongelana okuhle ngokudluleleko kweengaba. - Imitjho neengaba kwakheke ngendlela ehle ngokudluleleko.	4 -Amatshwayo neminingwana evezweko yesakhiwo sendaba. -Kunokuqongelana okuhle kweengaba. -Imitjho neengaba kwakheke ngendlela ehle.	3 -Amatshwayo neminingwana kuvezwe ngokulingeneko. – Kunokukhambelana okulingeneko kwendaba . -Imitjho neengaba kwakheke ngokulingeneko -Indaba isanikela umqondo.	2 - Amaphuzu neminye iminingwana yesakhiwo sendaba kuvezwe ngokusisekelo -Ukwakhiwa kwemitjho neengaba kuneemphoso. - Indaba isazwakala kancani.	0–1 - Amatshwayo neminingwana efunekako kuyathayela -Ukwakhiwa kwemitjho neengaba kuneemphoso ezinengi khulu. - Indaba ayinamqondo.
5 IMITLOMELO						

ISITJENGISO SOKWABIWA KWEMITLOMELO:

Km- : (Tlola umtlomelo otholwe mfundi) L- : (Tlola umtlomelo otholwe mfundi) Sk- : (Tlola umtlomelo otholwe mfundi)

Ilungelo lokukhuphela lifunjethwe

Please turn over

ISIGABA B: AMATHEKSTHI WOKUTHINTANA**IRUBHRIKHI YOKUHLOLA AMATHEKSTHI AMADE WOKUTHINTANA WELIMI LOKUTHOMA LOKWENGEZA [30 IMITLOMELO]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLOLA NESAKHIWO	15–18	11–14	8–10	5–7	0–4
-Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithethwana kanye nobujamo 18 IMITLOMELO	-Ukuphendula okulindekileko ngokudluleleko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlole unqophile. -Kunokukhambelana kokumunyethweko nomqondo. -Isakhiwo sihleleke kuhle ngokudluleleko yoke imininingwana esekela isihloko iveziwe. -Isakhiwo esifaneleko nesinembako.	-Ukuphendula okuhle nokutjengisa ilwazi elihle lamatshwayo wetheksthi. -Umtlole unqophile, awukaphumi esihlokwini begodu usekelwe kuhle ngendlela etjengisa ikghono. -Kunemininingwana esekela isihloko. -Isakhiwo esifaneleko kodwana esinokungakhambelani okuncazana.	-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana kokumunyethweko nemiqondo. - Eminyane imininingwana esekela isihloko iveziwe. - Isakhiwo sifanele ngokulingeneko kodwana kunokungakhambelani.	-Ukuphendula ngokusisekelo kutjengisa ilwazi lamatshwayo wetheksthi. -Kunokunqophela okumbadlwana kodwana okunengi kuphambene nesihloko. -Imininingwana esekela isihloko imbalwa. -Kunemithetho eqakathekileko yelimi esetjenziswe ngendlela ekungasiyo. -Kunobutjhapha obubonakalako emtlolelwakhe.	-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa khulukhulu. -Akakasebenzisi amatshwayo nemithetho yesakhiwo.
ILIMI, ISITAYELA NOKU-EDITHA	10–12	8–9	6–7	4–5	0–3
-Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithethwana yokutlola kwelimi. -Ukukhethwa kwamagama anembako umnqopho. -Ukusetjenziswa kwamamatshwayo wokutlola nesipelinghi. 12 IMITLOMELO	-Iphimbo, irejista, isitayela nelwazimagama kufanele umnqopho kuhle khulu, abamukelilwazi nobujamo. -Ihlelo lisetjenziswe ngokunembako begodu lihleleke kuhle khulu. -Kuneemphoso ezincani khulu.	-Iphimbo, irejista, isitayela nelwazimagama kufanele umnqopho kuhle, abamukelilwazi nobujamo. -Ihlelo lisetjenziswe ngokunembako belihleleke kuhle. -Akunamphoso ezinengi.	- Iphimbo, irejista, isitayela, nelwazimagama kufanele ngokulingeneko umnqopho, abamukelilwazi nobujamo. - Ihlelo lineemphoso kodwana azilimazi ihlathululo.	-Iphimbo, irejista, isitayela nelwazimagama kufanele kancani umnqopho, abamukelilwazi nobujamo. -Ihlelo lineemphoso ezenza bona ihlathululo ingazwakali.	-Iphimbo, irejista, isitayela nelwazimagama akukhambelani nomnqopho, abamukelilwazi nobujamo. -Ihlelo lineemphoso ezinengi khulukhulu ezenza bona ihlathululo ingazwakali nakancani.

ISITJENGISO SOKWABIWA KWEMITLOMELO:**Km-/sk- : (Tlola umtlolelo otholwe mfundi)****L-: (Tlola umtlolelo otholwe mfundi)**

ISIGABA C: AMATHEKSTHI AMAFITJHANI WOKUTHINTANA**IRUBHRIKHI YOKUHLOLA AMATHEKSTHI AMAFITJHANI WOKUTHINTANA WELIMI LOKUTHOMA LOKWENGEZA [20 IMITLOMELO]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLOLA NESAKHIWO -Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imitethjwana kanye nobujamo 12 IMITLOMELO	10–12 -Ukuphendula okulindelekileko ngokudluleleko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlolo unqophile. -Kunokukhambelana kokumunyethweko nomqondo. -Isakhiwo sihleleke kuhle ngokudluleleko yoke imininingwana esekela isihloko iveziwe. -Isakhiwo esifaneleko nesinembako.	8–9 -Ukuphendula okuhle nokutjengisa ilwazi elihle lamatshwayo wetheksthi. -Umtlolo unqophile, awukaphumi esihlokweni usekelwe kuhle ngendlela etjengisa ikghono. -Kunemininingwana esekela isihloko. -Isakhiwo esifaneleko kodwana esinokungakhambelaniko okuncazana.	6–7 -Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana kokumunyethweko nemiqondo. - Eminye imininingwana esekela isihloko iveziwe. - Isakhiwo sifanele ngokulingeneko kodwana kunokungakhambelani.	4–5 -Ukuphendula ngokusisekelo kutjengisa ilwazi lamatshwayo wetheksthi. -Kunokunqophla okumbadlwana kodwana okunengi kuphambene nesihloko. -Imininingwana esekela isihloko imbalwa. -Kunemithetho eqakathekileko yelimi esetjenziswe ngendlela ekungasiyo. -Kunobutjhapha obubonakalako emtlolelwenakhe.	0–3 -Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa khulukhulu. -Akakasebenzisi amatshwayo nemithetho yesakhiwo.
ILIMI, ISITAYELA NOKU-EDITHA -Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithethjwana yokutlola kwelimi. -Ukukhethwa kwamagama anembako umnqopho. -Ukusetjenziswa kwamatshwayo wokutlola nesipelinghi. 8 IMITLOMELO	7-8 -Iphimbo, irejista, isitayela nelwazimagama kufanele umnqopho kuhle khulu, abamukelilwazi nobujamo. -Ihlelo lisetjenziswe ngokunembako begodu lihleleke kuhle khulu. -Kuneemphoso ezincani khulu.	5–6 -Iphimbo, irejista, isitayela nelwazimagama kufanele umnqopho kuhle, abamukelilwazi nobujamo. -Ihlelo lisetjenziswe ngokunembako belihleleke kuhle. -Akunamphoso ezinengi.	4 - Iphimbo, irejista, isitayela, nelwazimagama kufanele ngokulingeneko umnqopho, abamukelilwazi nobujamo. - Ihlelo lineemphoso kodwana azilimazi ihlathululo.	3 -Iphimbo, irejista, isitayela nelwazimagama kufanele kancani umnqopho, abamukelilwazi nobujamo. -Ihlelo lineemphoso ezenza bona ihlathululo ingazwakali.	0–2 -Iphimbo, irejista, isitayela nelwazimagama akukhambelani nomnqopho, abamukelilwazi nobujamo. -Ihlelo lineemphoso ezinengi khulukhulu ezenza bona ihlathululo ingazwakali nakancani.

ISITJENGISO SOKWABIWA KWEMITLOMELO:**Km-/sk- : (Tlola umtlolelo otholwe mfundi)****L-: (Tlola umtlolelo otholwe mfundi)**

Ilungelo lokukhuphela lifunjethwe